


**SENIOR CERTIFICATE
EXAMINATION
SENIORSERTIFIKAAT-EKSAMEN**



**OCTOBER / NOVEMBER
OKTOBER / NOVEMBER**

2004

**SETSWANA PUO YA BOBEDI
SEEMOGARE**

(Pampiri ya Ntlha)

SG

931-2/1

SETSWANA SECOND LANG SG: Paper 1

7 pages



**COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI**



**LEFAPHA LA THUTO LA GAUTENG
TLHATLHOBO TSA MAKGAOLAKGANG**

**SETSWANA PUO YA BOBEDI
SEEMOGARE
(Pampiri ya Ntlha)**

NAKO: diura tse 2

MADUO: 80

DITAELO:

- Araba dipotso tsotlhe.
- Dipotso tsotlhe di arajwe ka Setswana se se tlhapileng.
- Tlhaloganya potso pele o e araba.
- Dirisa dinomoro tse di maleba go ya ka dipotso.
- Tila tiro e e botlhaswa, mme o dirise mokwalo o o bonalang.

**KAROLO YA A
TEKATLHALOGANYO**

POTSO 1

Buisa temana ke eo mme o arabe dipotso tse di e latelang:

Rotlhe re tsoga mo malapeng a a farologaneng. Mo malapeng a, re fitlhela re na le bonkoko, bontatemogolo, bomalome, borakgadi, bontsala, borremogolo, bommemogolo le ba bangwe. Le mororo batho ba, ba sa nne mo lelapeng le le lengwe, gona ke lesika, le a tsalana.

Mo malatsing a gompiano re bona dilo tse di tsitsibanyang mmele di sutlhelela mo malapeng a rona. Batsadi ba bolaye bana ba ba belege, ba a ba sotla, ba ba dira dilo tse di tlogelang motho a gatsetse. Modimo o tlhodile mongwe le mongwe mo setshwanong sa ona. Ka go rialo ke maikarabelo a setho a mongwe le mongwe go somarela, go sireletsa le go tlotla botshelo jwa motho. A re lweng kgatlhanong le batho botlhe ba ba utlwisang motho yo mongwe botlhoko.

Malapa a bopa setšhaba. Ditiro le dikakanyo tsotlhe tse di bonwang mo setšhabeng ke maungo a malapa. Go botlhokwa gore malapa a boele a ikage sentle. Mo mosong maloko otlhe a dumedisane a bo a laelane fa a kgaogana go ya ditirong le dikolong. Mo maitseboeng go kopanwe mmogo mo dijong, mo maitisong, go bo go rapelwe mmogo pele fa go robalwa. Batsadi ba thuse bana mo dithutong tsa bona.

Go a gakgamatsa gore re na le dipalangwa tsotlhe gompiano fela masika ga a tlhole a itsane ka ntlha ya go se etelane. Bana ba rona ga ba kitla ba itsane e bile tshika e tlile go nyelela fa re sa etelane. Re setse re tlwaetse gore malapa le masika a kopana mo manyalong le mo dintshong.

Ka ntlha ya tlhabologo le sekeresete mo bathong ke malapa a le mmalwa a a sa ntseng a kopana ka boitumelo fa mongwe a apara kobo ya thuto, a kolobetsa kwa kerekeng, a amogelwa kwa kerekeng kana a keteka moletlo wa matsalo. A malapa a ikage, a kitlane, a tlotle go nna teng ga ona mme a iphe nako ya go nna mmogo go amogana dikakanyo le go thusana go rarabolola mathata.

- | | | |
|------|--|---------|
| 1.1 | Neela maloko a mabedi a lesika o bo o neele tlhaloso ya leloko lengwe le lengwe. | 2x2=(4) |
| 1.2 | Bolela dilo tse tharo tse di tsitsibanyang mmele e bile di sutlhelela mo malapeng a rona gompieno. | (3) |
| 1.3 | Motho o tlhodilwe jang? | (1) |
| 1.4 | Neela maikarabelo a mararo a setho. | (3) |
| 1.5 | Go tshwanetse go dirwang ka batho botlhe ba ba utlwisang motho yo mongwe botlhoko? | (1) |
| 1.6 | Neela maungo a mabedi a malapa. | (2) |
| 1.7 | Neela mabaka a mararo a malapa a tshwanetseng go a dira go ikaga sentle. | (6) |
| 1.8 | Ke ka ntlha ya eng fa masika a sa tihole a itsane. | (1) |
| 1.9 | Neela dilo tse pedi tse di tlleng go diragala fa re sa etelane. | (2) |
| 1.10 | Go kaiwang fa go twe tshika e tlile go nyelela. | (1) |
| 1.11 | Malapa le masika a kopana kae? | (2) |
| 1.12 | Neela mabaka a mane a a dirang gore ka ntlha ya tlhabologo le Sekeresete mo bathong malapa a kopane. | (4) |
| 1.13 | Neela dintlha di le tlhano tse di lopiwang go dirwa ke malapa. | (5) |

PALOGOTLHE YA KAROLO YA A: [35]

KAROLO YA B
KHUTSHWAFATSO / TSHOBOKANYO / THANOLO
POTSO 2

Araba 2.1 kgotsa 2.2

- 2.1 Buisa temana e e latelang ka kelotlhoko mme o e khutshwafatse ka mafoko a gago ka go neelana ka dintlhadikgolo di le LESOME mme o sa fetole bokao jwa temana. Karabo e kwalwe ka dintlha.

Tsela e e siameng ya go dirisa madi


Kgakololo ya me go **bašwa** ke e: Lo se ke lwa reka dilo tse dintsi ka gangwe ka lenaneo la thekokhiro. Reka selo se le sengwe mme o se duelele o be o se fetse. Morago ga moo o ka reka se sengwe gape. Fa o reka sengwe ka lenaneo la **thekokhiro** o duela madi a a fetang tlhotlwa ya selo gonne ralebenkele o batla gore o duele tsalo ya ona.

Fa lona loobabedi lo batla go tsaya kgakololo ya me, ka re reka dilo tsotlhe tsa lona ka go di duelela gangwe fela. Fa lo se na madi a go reka selo sengwe, go **botoka** go nna lo se na sona. Bolokang madi mme lo reke dithoto tsa lona ka go duelela tsotlhe. Go dithoto tse dingwe tseo go fokotswang **tlhotlwa** ya tsona fa o di duelela fa o di reka. Lo ka se tsene mo melatong fa lo ka itlwaetsa go duelela dilo tsotlhe fa lo di reka.

Selo se sengwe se lo tshwanetseng go se dira ka tlhokomelo ke fa lo ikaelela go reka mmotorokara. Lo se ka lwa ba lwa nagana go reka mmotorokara fa lo se na madi a go o duelela le a go o tlhokomela. Go reka mmotorokara go batlega madi a mantsintsi. O tshwanetse go tshela peterolo nako le nako, mme o tshwanetse go o isa kwa **karatšheng** morago ga **dikilometara** di le 1000 gore ba ba itseng enjene ya ona ba o tlatlhobe ba be ba tshole oli e ntšhwa. **Enjene** ke sengwe se mo go sona go leng dikarolo tse di **ithobegelang** fela. Go tsenya dikarolo tse dintšhwa mo enjeneng go batla madi a mantsi. Fa o sa tlatlhobe mmotorokara wa gago nako le nako e bile o sa tsenye dikarolo tse dintšhwa o ka nna wa dira kotsi e e senyang botshelo jwa gago.

KGOTSA

- 2.2 Sekaseka setshwantsho se se latelang mme o itlhomele dikakanyo tse di tsamaelanang le se se tlhagelelang mo setshwantshong. Neela dintlha di le LESOME.



1x10=(10)

PALOGOTLHE YA KAROLO YA B: [10]

KAROLO YA C
TIRISOPUO

POTSO 3

Buisa temana e e latelang ka kelotlhoko o tle o arabe dipotso tse di e salang morago:

Ga twe mo tshimologong Batswana ba tswa kwa ga Loe, ba sa ntse ba le setšhaba se le sengwe, ba ise ba kgaogane ka merafe le meratshwana.

Loe o dule mo logageng, mme e rile a ise a tswe a roma **motlhanka** wa gagwe **wa boikanyo**, Matsieng, go ya go bula kgoro ya logaga le go bona gore kwa ntle go ntse jang. Matsieng a tsamaya, a fitlha a bula kgoro ya logaga, a tswela kwa ntle mme a fitlhela lefatshe le itumedisa matlho a motho; le kgabile ka dimela tsa **methalethale** ka e ne e le nako ya dipula, go bonala botala fela, go utlwala **monko** o o monate wa dithunya. A bona ditlhare di rwele **maungo** a a neng a lebega a le monate. A utlwa melodi ya dinonyane e kete di itumeletse **kgorogo** ya **moeng** wa tsona, yo di neng di simolola go mmona. Tsotlhe tse tsa mo gapa maikutlo.

A ema. Matsieng, a gakgamaletse bontle jo o neng a bo bona lwa ntlha mo botshelong jwa gagwe. "A selo se, lefatshe, ke selo se sentle jaana!" a bua a le esi, a setse a lebetse gore o romilwe. "Ke tla itsamaela mo lefatsheng gore ke bone bontle jo," a bua gape, a sa gopole sepe ka ga botshelo jo o bo tlogetseng kwa morago. A nna a tsamaya le naga, a ja maungo a ditlhare, a ja nama ya diphologolo tse di neng di bolawa ke ntšwa ya gagwe, a nwa metsi **mo megobeng** le mo dinokeng.

Mo mafelong a mangwe a lefatshe leno dinao tsa ga Matsieng mmogo le tsa ntšwa ya gagwe di sa ntse di bonala mo matlapeng le **gompieno**. Mo matlapeng a mangwe di bonala di lebile botlhabatsatsi mme mo go a mangwe di bonala di lebile **bophirima**. Go bonala gore matlapa a ne a sa ntse a le boleta ka lobaka loo.

3.1 Neela bongwe jwa maina a a latelang: o bo o a dirise go tlhama dipolelo tse di tlabosang:

- 3.1.1 Batswana.
- 3.1.2 Merafe.
- 3.1.3 Maungo.

3x1=(3)

3.2 Setlhongwa sa – **nyana** mo leineng **meratshwana** se dirisitswe go kaya bonnye/ngotlo. Dirisa leina **meratshwana** go kaya tse di latelang:

- 3.2.1 Tshotlo.
- 3.2.2 Lerato.
- 3.2.3 Kakgolo.

3x1=(3)

3.3 Tlhaola maemedi mo dipolelong tse di latelang o bo o a dirise go tlhama dipolelo tse di tlabosang:

- 3.3.1 E rile a ise a tswe a roma motlhanka wa gagwe wa boikanyo.
- 3.3.2 A utlwa melodi ya dinonyane e kete di itumeletse kgorogo ya moeng wa tsona.

2x1=(2)

3.4 Dirisa **lesupi tse** jaana mo dipolelong:

3.4.1 Fa morago ga leina.

3.4.2 Fa pele ga leina.

3.4.3 Kwa ntle ga leina.

3x1=(3)

3.5 Dirisa **mathalosi** a a lateng mo dipolelong tse di tlhabosang:

3.5.1 Gompieno.

3.5.2 Bophirima.

3.5.3 Kwa ntle.

3x1=(3)

3.6 Go bona gore kwa ntle go ntse jang?

Lebotsi mo sekaong se se fa godimo le bodiwa fa o batla go itse maemo. Neela **mabotsi** a o ka a dirisang fa o batla go itse tse di latelang:

3.6.1 Bong jwa ngwana.

3.6.2 Tlhotlhwa.

3.6.3 Lefelo.

3x1=(3)

3.7 Nopola **matlhophi** a MABEDI mo temaneng o bo o a dirise mo dipolelong tse di maleba.

2x1=(2)

3.8 Dirisa **makopanyi** a a latelang mo dipolelong tse o di itlhametseng:

3.8.1 E kete.

3.8.2 Mme.

3.8.3 Le.

3x1=(3)

3.9 Neela **makaelagongwe** a mafoko a a latelang:

3.9.1 Methalethale.

3.9.2 Maruru.

3.9.3 Matlapa.

3x1=(3)

3.10 Naya **malatodi** a mafoko a a latelang:

3.10.1 Bula.

3.10.2 Lefatshe.

3.10.3 Bontle.

3x1=(3)

3.11 Kwalolola dipolelo tse di latelang mo kganetsong:

3.11.1 A fitlhela lefatshe le itumedisa matlho a motho.

3.11.2 Go utlwala monko o o monate wa dithunya.

3.11.3 Go bonala gore matlapa a ne a sa ntse a le boleta ka lobaka loo.

3x1=(3)

3.12 Dirisa mafoko **utlwa** le **ja** mo tirisong ya ona ya ka metlha.

2x1=(2)

3.13 Dirisa mafoko a a tlhagelelang mo potsong 3.12 mo **papisong**.

2x1=(2)

[35]

PALOGOTLHE YA KAROLO YA C: [35]

PALOGOTLHE: 80